

اورشلیم شورا

۱۵

۱ چند نفر یہودیہ جا بمویدی انطاکیہ شہر میانی و ایمانداران تعلیم

غلط دیدی کی: «اگہ بہ موسی سنت ختنہ نبید، نتانیدی نجات

دریافت بوکونید.» ۲ وختی پولس و برنابا اوشان امرأ بہ مخالفت ویریشتیدی، قرار

بر ان بوبوستہ کی پولس و برنابا چند نفر جہ ایمانداران امرأ بیشید اورشلیم و خوشان

اختلاف، رسولان و مشایخ امرأ در میان بنید. ۳ بزین کلیسا اعضا، اوشان بدرقہ

بوکودیدی و ہطوی کی بہ طرف اورشلیم جہ رایٰ فینیقیہ و سامرہ بوشویدی، خبر

ایمان آوردن غیر یہودیان بوگفتیدی و توما ایمانداران خوشحال بوستیدی.

۴ وختی پولس و برنابا فارسہیدی اورشلیم، ایمانداران و رسولان و مشایخ

بمویدی اوشان پیشواز و پولس و برنابا ہرچی کی خودا اوشان دس جا انجام

بدہبو، اشان رہ بوگفتیدی. ۵ چند نفر جہ فرقہیٰ فریسیان کی ایمان باوردہبید،

ویریشتیدی، بوگفتیدی: «غیر یہودیان کی مسیحی بوبوستیدی لازمہ کی ختنہ ببید

و اوشان دستور بدیم کی موسی شریعت بجا باورید.»

۶ پس رسولان و مشایخ دور ہم جمع بوستیدی تا مسئلہی رسیدگی بوکونید.

۷ آخر سر بعد گبان زیادی، پطرس ویریشتہ و اوشان بوگفتہ: «ای براران، شومان

دانیدی کی پیشتر، خودا مر جہ شیمی میان انتخاب بوکودہ تا غیر یہودیان می جا

خبر خوش انجیل بيشنوید و ایمان باورید. ۸ خودا کی جہ ہر کس قلب باخبرہ

روح القدس کی ہطو امر ببخشہ، بہ غیر یہودیانم فدہ تا ثابت بوکونہ کی اوشانم

امی مأنستن قوبیل کونه. ۹ اون امی میان و اوشان میان هیچ فرقی ننه. هطو کی ایمان امرأ، امی دیل پاک کوده، اوشان دیلم پاک بوکوده. ۱۰ هسه چره خوآیدی خودا صبر آزمایش بوکونید و باری کی نه امان و نه امی پئران، تحمل اون نأشتیم، به دوش ایمانداران غیریهودی بنید؟ ۱۱ همه تان امان ایمان داریم کی مجانی فیض خوداوند عیسی مسیح امرأ نجات پیدا بوکودیم و غیریهودیآنم هطویی.»

۱۲ همه تان ساکت بوستیدی و به اونچی کی برنابا و پولس گفتن دبید گوش دیدی، کی چوطو خودا نیشانه یان و معجزاتی اوشان دس جا غیریهودیآن ره آشکار کوده بو. ۱۳ ولی وختی اوشان گبان تومام بوسته، یعقوب کی اورشلیم کلیسا رهبر بو، و اگر دسته بوگفته: «ای براران، گوش دبید! ۱۴ شمعون پطرس، امر بوگفته کی چوطو خودا پیشتر، غیریهودیآن رحمت بوکوده کی جه اوشان میانی خو قوم انتخاب بوکونه. ۱۵ ا گبان، پیامبران گبان امرأ برابری کونه، هوطو کی عاموس نبی کیتاب دورونی بینویشته بو بوسته:

۱۶ (خودا بفرمأسته: "بعد اون و اگر دم

و داوود سلطنت کی جه بین بوشو، دوواره بر پا کونم

و اون خرابه یان آباد کونم

۱۷ تا بقیه کی کسانی کی زمین رو زندگی کونیدی،

یعنی تومامی غیریهودیآن کی می نام اوشان رو نهه،

همه تان خوداوند طلب بوکونید*."

هن چیزانی ایسه کی خوداوند فرمایه، ۱۸ خوداوندی کی او کارانی کی جه قبلنآن آشکار بوسته بو، به انجام برسانه.

۱۹ پس من یعقوب، می عقیده انه کی نوستی غیریهودیانی کی خودا طرف آیدی اصرار بوکونیم کی حتماً یهودیان توماق قانونان رعایت بوکونید، ۲۰ بلکی غیریهودیان ره بینویسیم کی جه خوردن قربانی یبتان، بی عفتی آدمان، حیواناتی کی خفه بوستیدی و خون، دوری بوکونید. ۲۱ چونکی موسی شریعت جه قدیم ایام و تا هسه هر شهر دورونی موعظه بوستی و اون کیتاب تورات سبت روزان دورونی کنیسه یان میانی بخوانده بوستی و هطویم ادامه داره.

* ۱۵:۱۶-۱۸ عاموس نبی کیتاب باب ۹، آیه ۱۱ و ۱۲